



# PiSiu

Pinerlutsaaliuinermut Siunnersuisoqatigiit  
Det Grønlandske Kriminalpræventive Råd

Ukiumoortumik nalunaarut 2023





*Imarisai*

Aallaqqaasiut.....	3
PiSiup siunertaa.....	4
PiSiu 2023.....	4
PiSiu 2024-mi.....	6
PiSiup allattoqarfia .....	6



## Aallaqqasiut


Justitsministerimut aammalu Naalakkersuisunut.

PiSiup suleriusissaa pillugu nalunaarut nr. 1178 9. december 2008-meersumi § 7 naapertorlugu PiSiu ukiut tamaasa Justitsministerimut aammalu Namminersorlutik Oqartussanut nalunaarusiortassaaq, Siunnersuisoqatigiit ukiumi qaangiuttumi sulisimanerat pillugu.

PiSiu naalisarlugu isumaqarpoq, Pinerlutsaaliuinermut Siunnersuisoqatigiit.

Uani ukiumoortumik nalunaarusiam 2023-mi PiSiup sularisimasai nassuiatigineqassapput. Suliat PiSiup pilersaarasiaani 2021-2024-mut atuuttumi, maanna ukiut sisamassaannut ingerlasumi, suliat eqqartorneqarput.

2023-mut nalunaarusiaq matumuuna tunniunneqarpoq.

PiSiu sinnerlugu  
  
Julie Hjorth Lyngé  
PiSiumi Siulittaasooq



## PiSiup siunertaa

PiSiup 2009-mi pilersinneqarnermi kingornatigut Nunatsinni pinerlutsaaliuisitsinermik suliaqarsimavoq toqqissisimatitsinermi suliniutitigut, paasitsinsiaanikkut aammalu misilitakkaniq paarlaasseqatiignikkut.

Pinaveersaartitsinermi sulineq sammivilerniarlugu PiSiup 2021-2024-mut takorluukkat anguniakkallu uku aalajangersarnikuui:

- **Takorluugaq:** Inuuusuttut peqqissumik pinerlunnissamullu naaggaartumik ingerlanissaat siunertalarugu pinaveersaartitsineq pillugu inuiaqatigiit paasisimasaannik nukittorsaallunilu siuarsaanissaq.
- **Anguniagaq:** Kalaallinut inuiaqatigiinnut aammalu pinaveersaartitsinermik suliaqartunut pinaveersaartitsineq pillugu qaammarsaaneq pillugu ataatsimoorussamik siunnerfiliineq.

## PiSiup 2023

PiSiup 2021-2024-mut pilersaarusiaa paassisutissanik suleqatigiinnernillu peqqissaarussamik sinaakkusersugaavoq. Pilersaarusiaq tamanna atorlugu Nunarput tamakkerlugu pinaveersaartitsinermi pinerlutsaaliuinermilu sulinermi PiSiup ersarissumik siunnerfeqartitseqataarusuppoq. PiSiup pilersaarusiaq aqqutigalugu inuiaqatigiinni inissisimaffimminik nukittorsaarusuppoq ersarinnerulerusul-lunilu nalunaarutinik, ilisimalikkanik aammalu sammisanik, siammasissumik pinaveersaartitsinermi PiSiup pingartitaanik, siammerterinissaq ukkatarissallugu.

Pilersaarusiami naleqqat sisamaasut ukuusimapput:

- Inuuusuttut pinerluttarnerat
- Kinguaassiuutitigut pinerliisarnerit
- Qarasaasiatigut pissusilersuutit
- Paassisutissiineq suleqatigiinnerillu

Pilersaarusiami nalerarisat iluini PiSiup 2023-mi assigiinngitsunik aaqqissuussivoq suliniuteqarlunilu, taakkulu nalerarisanik suliaqarnerup ingerlannissaanut aqutsisuusimapput. Aaqqissuussat suliniutillu taakku ataani eqqartorneqassapput.



## *Nakuusertarneq, kinguaassiuutitigut pinerliisarnerit aammalu inuusuttut pinerluttarnerat*

Peqatigiiffik Kalaallit Meerartaat (Grønlandske Børn) suleqatigalugu PiSiup 2023-mi suliniut TASSA! aqqutigalugu nakuusertarneq ukkatareqqippaa. 2020-mi PiSiup aammalu Kalaallit Meerartaat suleqatigiinnissamik isumaqatigiissuteqarput. Suliami TASSA!mi Kalaallit Meerartaat PiSiullu 2023-mi suliniut ataavartungortinniarlugu sulissutigaat. Tamanna Kangerlussuarmi workshopertsilluni, Kalaallit Nunaata Politivisa peqataaffigisaatigut, ingerlanneqarpoq. Workshop-ip siunertaraa ilinniartitsisunik aallartitanik ilinniartitsinissaq ilinniartitsissutinik ilisimasaqarnerulerissaat anguniarlugu, taamaalillutik suliniutip oqariartuutaan nunatsinni atuarfinni siammarterneqarluarsinnaassammatt.

TASSA! 2024-mi ingerlaqqissaq, nalilerneqarmat meeqqat inuusuttullu akornanni nakuusertarnerup pinaveersaartinnissaa annertuumik suli pisariaqartinneqartoq. Suliniutitut ilinniartitsinissap siunertaraa ilaatigut inuusuttut nakuusertarnerit assigiinngissutaannik, soorlu timikkut, tarnikkut aammalu kinguaassiuutitigut nakuusertarnerit, qarasaasiatigut kannguttaatsuliortarnerit ilisimasaqarnerulerissaat kiisalu killiliinissamik ilinniarnissaat aammalu peqqisumik appariinnissamik toqqaasinnaanissaat. Taamaalilluni suliniut taanna PiSiup 2021-2024-mut pilersaarusiamic nalerarisaaanut arlariinnut attuumassuteqarluni.

2023-p naanerani TASSA! Danmarkimi Red Barnetimik aallartisaammik suleqateqalerpoq qarasaasiatigut kannguttaatsuliortarnerit meeqqanut inuusuttunullu tunngasut pillugit ilisimariigaat pillugit suleqatigiinnissaq siunertaralugu. PiSiup isumaqarpoq qarasaasiatigut kannguttaatsuliortarnerit Nunatsinni inuiaqatigiittut ajornartorsiutaasoq annertusiartortoq – aammattaaq meeqqat inuusuttullu akornanni. Suleqatigiinnerup siunertaraa atortut qallunaatoortut nutarterlugillu kalaallisunngortinissaat, taamaalillutik atortortisat Nunatsinni atorneqarsinnaanngortissallugit. Tamatuma 2024-mi atuutilernissaa naatsorsuutaavoq.

## *Paasissutissiineq suleqatigiinnerillu*

2023-mi PiSiup Kalaallit Nunaanni Brugseni PiSiup Nersornaasiuttagaa pillugu suleqatigilerpaa, tassani piumassutsiminnik suliaqartorpassuit, suliniutit suliallu, ulluit tamarluinnaasa Nunatsinni pinerluttarnerup pinaveersaartinnissaanut pingaaruteqarluinnartut, nersorniarneqartarlutik. Suleqatigiinneq 2023-2027-mut pisussatut isumaqatigiissutaavoq, Kalaallit Nunaanni Brugsenip PiSiullu ukiumoortumik PiSiup Nersornaasiuttagaanik pissarsisussamik toqqaasassallutik, ajugaasorlu 20.000 kr.-inik aningaasartalimmik saniatigullu akunnernii 40-ni PiSiumit siunnersorneqarnermik malitse-qartarpoq. Ukiumoortumik nersorniaanerup saniatigut suleqatigiinneq siammasinnerusumik siunertaqartumik Nunatsinni pinerluttarnermik pinaveersaartitsinerup iluaqutaasa saqqumilaartinneqarnisaat siunertaraa. 2023-mi ukiakkut PiSiup aammalu Kalaallit Nunaanni Brugsenip PiSiup Nersornaasiuttagaa siulleq persuarsiorntumik tunniussinnaasimavaat. Ajugaasoq tassaavoq Siu-Tsiu, suliffe-



qarfik inuuusuttunik atugarliortunik sulilernissaannut ilinniagaqarnissaannulluunniit qaffassarnissaan-  
nik suliaqartoq.

Paasitsiniaasарneq aqqutigalugu ataatsimoorussamik pinaveersaartitsilluni suliaqarnissamik siuner-  
taqarluni PiSiup anguniagaanut atasutut pinaveersaartitsinerup iluani misissuinerit paasisallu malin-  
naavginissaat PiSiup pingaartippaa. PiSiup 2023-mi nunat avannarliit ataatsimiinneranni – Nordic  
Crime Prevention – peqataavoq, tassani nunat avannarliit killeqarfii tukimorlugit pinaveersaartitsine-  
rup iluani paasisanik ilisimasanillu paarlaasseqatigiittoqarluni.

### *Siunnersuisoqatigiit 2023-mi*

#### *Ilaasortat nutaat*

PiSiup 2023-mi nutaamik ilaasortartaarpoq Isumaginninnermut, Ilaqtariinnut, Suliffeqarnermut  
Nunamullu Namminermut Naalakkersuisoqarfimmit aallartitaasoq.

### **PiSiup 2024-mi**

2024-mi PiSiup pilersaarusiami nalerarisaq paasitsiniaaneq aammalu suleqateqarnerit annerusumik  
ukkatariniarpai, sualummik PiSiup Nersornaasiuttaata siammerternissaa siunertaralugu. PiSiup  
Nersornaasiuttaaga aammalu Red Barnetimik suleqateqarneq aqqutigalugit, inuuusuttut peqqinnar-  
tumik pinerluffiunngitsumillu inuuneqarnissaat anguniarlugu pinaveersaartitsinermik suliaqarnerit  
inuiaqatigiinnut paasitsissutigiurnissaat ukkatareqqissaavaa.

Ukiap ingerlanerani Nunarput Nordic Crime Preventionimik, Nuummi ingerlanneqartussamik, aaq-  
qissuisuunissaat naatsorsuutigineqarpoq.

Naggataatigut PiSiup 2024-mi 2025-2028-mut pilersaarusiussaaq PiSiumi pinaveersaartitsinermik  
ukkatarinninnissamut sammiviliisussamik.

### **PiSiup allattoqarfia**

PiSiup allattoqarfia ingerlatsinermi Kalaallit Nunaata Politivini inissisimavoq. Allattoqarfik Pin-  
aveersaartitsinermut, Tusagassiisarnermut aammalu Misissueqqissaarnermut immikkoortoqarfim-  
miippoq, annermik sulisup ataatsip allattoqarfimmi suliassat akisussaaffigisarlugit.